

四庫全書

史部

欽定四庫全書

欽定蘭州紀畧卷七

戊子阿桂奏言官兵自初二日進剿賊匪痛加殲戮以後賊匪甚露惶懼情狀臣恐其乘間竄逸當

即飛飭防守後路各將備晝夜嚴密防範毋稍疎

虞數日來臣等察看賊匪於華林山前竄立石卡

拆卸民居土坯砌築碉房欲於孔穴暗放鳥鎗以

為抵禦之計我兵若照舊進兵仍須過溝上砌賊

必藏匿溝壕併力支持不肯出壕受勦臣與海蘭

察額森特明亮相度地勢惟從華林山之西添派

一路健兵從後路夾攻方能集事現在簡選之奮

勇滿漢兵仍須令其從初二日進攻之路過溝上

山衝壓賊營乘賊人盡力防禦之時派兵從西路

突入賊人四顧不服方能得手但就現在滿漢兵

丁內再行練選派進轉易為賊人知覺預先備禦

進勦恐難得利是以再四籌酌不得不稍俟兵力

齊全以期一舉殲滅查護軍統領舒亮等帶同侍衛章京三十人日內陸續可到臣又聞本省附近之保安四屯土兵及鐵部番兵勇悍可用業經飛飭檄調若此二處土兵調到實在可用又不必專候屯練即乘機進剿臣揆度賊勢自節次打仗剿殺後賊人望見海蘭察額森特明亮等騎馬數人即望風敗北其毫無伎倆可見況賊匪撒拉爾巢穴業經被搥無路可歸而又與舊教及番人等素

相仇怨自揣一經逃散必被擒拏是以誓死守此
一隅臣與海蘭察額森特明亮日夜籌畫必思計
出萬全一舉殲盡不肯以打仗為虛應故事

同日阿桂又奏言查三月二十日福崧聞逆回不
法跟隨勒爾謹帶兵前往勦捕甫至狄道聞河州
已失即在彼駐守勒爾謹與福崧詳細籌酌一面
催調官兵一面飛檄署西寧鎮貢楚克達爾由循
化一路乘虛直抵賊巢收復河州並令駕馭老教

土兵先驅出力所有一切堵截後路安慰回民及
籌辦勦援各事宜俱係隨同勒爾謹商辦臣觀福
崧雖不敢以收復河州等事自以為功但臣抵蘭
半月見勒爾謹神意失據束手無措情形從前必
不能如此籌畫可知其為福崧出力幫辦自屬實
情至臣自到蘭州以來節次得雨露足黎民歡慶
以為罕見稀有氣象甚屬順遂均奏入

上命軍機大臣傳諭阿桂李侍堯曰阿桂奏現俟兵力

齊全一鼓勦洗賊匪以現在情形而論逆匪既逃竄
無路其所搶糧食亦斷不能支兩月卽餓斃亦可完
事但以么麼小丑如此肆逆不法非痛加殲戮生擒
首犯盡法處治不足以洩忿恨而彰國憲今川兵及
阿拉山兵於二十以前可抵蘭州為期已近此時自
不宜更冒險以致損威第目下既不卽進勦何不先
行曉諭賊黨并脅從之人以罪魁逆首止蘇四十三
若能將伊擒獻則汝等脅從尚可奏請邀恩寬減倘

執迷不悟將來大兵勦捕無分首從一同受戮雖悔
無及如此明切開導衆心自可解散或作檄文曉示
或令舊教土司等設法遣人傳諭使賊衆猜防彼此
疑慮擒捕賊首未始非解散黨羽之計至所稱檄詞
附近之保安四屯土兵及鐵部番兵勇悍可用但此
等番土兵是否與逆賊差往求援之安定會寧回人
及為賊紮棧過渡之唐家川六處逆回同屬一教著
阿桂查明覆奏又另奏勒爾謹庸懦無能從前籌畫

實係福崧出力幫辦朕前降諭旨以事發之初亦不宜輕易地方大吏以起邊氓輕玩之心且以勸爾謹如果尚能調度出力不妨俟事定後再行核其功罪此係專就顧惜大體勸爾謹尚能辦事而論若阿桂和坤到蘭州後即目擊其束手無措自當早為奏聞所謂應機而動又當別論何尚待朕看其實不可留特行降旨拏問乎

同日阿桂又奏言三月二十五日賊匪攻城時勸

爾謹赴狄道城中只有王廷贊同道員等竭力
守禦文員本不知兵且當賊匪攻城危急時望見
兵到即催令打仗是以三月二十五日起至二十
九日止固原涼州靖遠各鎮協綠營兵陸續到蘭
節次打仗損折甚多官兵愈形畏怯至二十九日
以後仁和勒爾謹馬彪伍彌泰等俱陸續到蘭兵
亦漸集即無零星打仗之事至伍彌泰仁和馬彪
俱係統兵大員目覩勒爾謹無能不能幫同籌畫

妥協料理實屬咎無可辭

同日阿桂又奏言逆回滋擾不法由勒爾謹辦理不善自狄道回至蘭州見賊已上山遂謂易於剿滅並無調度督率輒奏稱半月內可以成功至各路已調之兵全行停撤今賊人退守山梁口食不能寬餘草料亦易匱乏原不能久為支持臣與海蘭察額森特明亮亦斷不肯曠日持久待其糧盡自斃現在士氣較前振作而簡選之奮勇滿漢兵

丁巳能直前對敵不肯退縮前所調之川省屯練兵
丁約計二十以前可抵蘭州此項兵丁到日阿拉
山兵亦已先來兵力齊全即可分路進攻至總兵
圖欽保於四月十九日打仗陣亡臣到蘭州後詢
問海蘭察知是日官兵由龍尾山越溝纔上華林
山梁有賊匪數百直前來撲惟時圖欽保先已下
溝被賊截住即海蘭察亦在被圍之內射死二賊
始得衝出具時和珅即嚴飭各兵令其堅立而海

蘭察又馳馬由龍尾山斜坡直前與賊接仗親自
射死二賊官兵合力復將賊匪壓下山溝即帶土
兵下溝勦殺次日和坤查出圖欽保之親隨兵丁
五人詢知該鎮因馬倒被賊戕害再王廷贊於賊
匪起事後恐其直犯蘭州飛調莊浪滿漢兵丁三
百名兵到之後賊匪隨即圍城此項兵丁即在賊
人攻打緊急之西門竭力抵禦自三月二十五日
起至二十九日止各鎮協綠營兵陸續到蘭節次

打仗多有折損該司又率同在城大小文武員弁
督率民夫晝夜防禦查出奸細即行正法賊匪於
攻圍至急時王廷贊因賊人有懇放馬明心即行
退散之語遂將馬明心提出在城上令賊人一見
即將該犯正法但又將馬明心之子及婿放令出
城予賊雖屬一時緩賊之計寔失國體均奏入

上命軍機大臣傳諭阿桂和坤曰阿桂奏王廷贊於三
月二十五日至二十九日令調到綠營兵節次打仗

損折甚多亦係出於無奈尚屬過之小者至其將馬明心之子及娼放令出城予賊此則不是甚大其罪實在於此伊於逆賊逆犯省城時既將馬明心提出示賊即行正法何以又將其子娼放給藩司大員豈可損威失體若是阿桂和珅於此等辦理錯謬之事何不早行奏及王廷贊現有交代之事尚未能即行起程並著阿桂先行面詢據實覆奏

同日阿桂又奏言蘭州城外西南二處關廟節次

焚燒搶掠居民未免失所勒爾謹先令該府縣開
倉減價平難以濟民食其無力貧民捐米設厰賑
饑臣與和珅到蘭州時恐地方官徒事虛文有名
無實嚴飭布政使王廷贊轉飭承辦各員細心查察
並令添委幹員分厰督率實力經理毋使吏役人
等侵漁滋弊俾貧民均霑實惠現在逃散之人漸
次歸回舖面亦逐漸開張其河州被擾居民聞已
陸續歸業亦諭該司轉飭知州謝桓如意撫綏毋

致失所現在調撥附近州縣糧料草束陸續運省
供支各路官兵足敷兩月之用是屬有盈無絀再
查副將新柱知府楊士璣先後被賊匪戕害情形
及賊匪攻破河州時署都司李奇千總朱廷奇外
委李九章徐烈俱被戕害署守備袁尚仁勦賊陣
亡署知州周植自縊身死臣訪查亦屬確實

阿柱又奏言王廷贊承辦軍需糧務諸事款項繁
多一時難以交代清楚且福崧現有交辦事件應

請暫留經理俟稍有就緒再令起程進京均奏入
報

閩

庚寅和珅由途次奏言臣於初入甘省時即聞有
新教回人暗相勾結之語十七日到蘭後即密行
訪察並無確據及掣到馬復才馬應高等訊供有
唐家川等六處回民紮棧偷渡及隨同蘇四十三
攻打蘭城之語即面同阿桂商酌以回人從逆者

俱在賊營其餘各處散布尚復不少若以千數兵力分頭誅勦勢有所難俟勦賊完竣後趣兵威嚴整酌派明幹大員於甘涼一帶兵丁撤歸本營之便順路一鼓擒勦使逆匪出具不意別無逃數自可勦洗無遺至馬復才馬應高等所供安定會寧一帶蘇四十三遣人求救臣等已於此等處所俱派兵彈壓防範且密加訪查各該處回人尚皆安靜如常亦無勾通形跡即臣來往俱由安定會寧一

帶經過詢知該處回人舊教新教襟處較之百姓
為多臣目擊情形亦皆安靜似無別項情跡馬復
才等一面供詞未必非搖惑人心之計總俟拏獲
蘇四十三等後此等賊人黨羽似不難迎刃而解
奏入

上命軍機大臣傳諭阿桂李侍堯曰和珅奏唐家川等
六處回民難以千數兵力分剿俟剿賊完竣於甘涼
兵丁撤回之便順路勦洗至安定會寧一帶俱已派

兵彈壓各處回民尚皆安靜馬復才等一面供詞未
必非搖惑人心之計是以且不露端倪等語唐家川
等處送回人數不少此時未便即行分勦所慮亦是
至安定會寧等處回民現在尚皆安靜或竟係賊匪
令馬復才等假捏供詞以為搖惑人心之計亦未可
知但既有此供不可不嚴加防範且舊教新教雜居
一處究屬非妥此次起釁之由即因新舊教爭殺而
起況新教即係邪教著傳諭阿桂李侍堯務須籌熟

妥計將新教一類使之不留餘跡以期永不滋事又
阿桂前奏拏獲馬應高一犯供稱同韓八十馬正南
韓四個蘇六個等五人探聽安定兵丁多寡信息韓
八十等四犯現在曾否續獲著阿桂詳查覆奏

壬辰和珅由途次奏言

臣

抵蘭之初即聞王廷贊

於賊人圍困蘭城時將馬明心之子及婿放出與
賊並與賊講和之事而又並未具奏臣原擬即行
効參實因該司辦理一切軍需糧餉頭緒紛繁恐

一時難以驟易生手擬於軍務完竣臣回京復

命時再得據寔叅奏請

旨定奪再臣前拏獲賊犯訊據有近日從賊之人亦頗

懊悔思欲逃走之供是以於五月初二日打仗之

前一日曾派福崧同仁和馬彪令撒拉爾回人繙

寫回字曉諭賊人如果能擒獻蘇四十三韓一的

巴拉等首犯不但免罪而且邀

恩等因原擬派老教回人設法賁示前往因伊等皆為

賊衆熟識不敢前往是以派人潛越賊營附近一帶插立布旗分散曉示無奈逆回等惡貫滿盈執迷不悟未能得力至臣前奏約于五月二十五日前後抵京因彼時涇州長武一帶連日陰雨山路泥濘恐行走不無濡滯自過西安以後天氣晴爽每日兼程加站晝夜遒馳今於本日已抵平定州趙程前進約二十二日可以抵京復

命奏入

上命軍機大臣傳諭阿桂李侍堯曰和珅奏前此初抵
蘭州即聞王廷贊於賊圍困蘭州時將馬明心之子
及婿放出與賊並有與賊講和之事等語馬明心係
新教之首其在安定一帶煽惑構衅已非一日最為
此案罪魁即蘇四十三擒獲就戮之後其餘餘孽
若不查辦淨盡尚未可稱為竣事蓋此等新教即係
邪教所到之處最易煽惑不但內地不可容留即新
疆各處亦不可發遣安插致貽後害此等即從嚴多

辦亦不為過所謂辟以止辟不得不如此也阿桂李
侍堯等如何設法料理計出萬全使新教一類根株
盡去永保無虞之處須斟酌妥善行之至舊教相沿
已久且人又衆多自須妥為撫輯令其各安本業伊
等自必益加感激於綏靖邊隅之道更為有濟又據
圖桑阿面奏十九日和珅帶領官兵打仗時第一排
係舊教土兵第二排係綠營兵丁第三排係駐防滿
兵其領兵官員在後督戰當賊匪下壓時舊教土兵

遇賊接仗不能抵禦而綠營兵即畏怯一同回走經
和坤將馬彪等嚴行申飭並用刀鞭砍打方始立定
等語綠營兵如此恒怯無能寔為可恨甘涼兵力向
來尚稱可用何以近日竟廢弛如此則他處可知若
不實力整齊營務尚可問乎至福崧現已調任甘肅
藩司接印任事王廷贊交代後即可令其起程來京
毋再遲滯

癸巳阿桂奏言數日以來有自賊營滾溝脫回老

教土兵一名漢回四名詳加訊問俱稱賊匪於初二日打仗被戮甚多神情惶懼終日剗挖溝壕安立卡柵防守甚密臣與海蘭察額森特明亮公同商酌若俟兵力齊全再圍攻勦為日尚遠不如派兵仍由舊路進攻若有可乘之機即直壓賊營設或賊匪仍為我兵所誘出壕抗拒亦可痛加殲戮並可觀賊人出入抵禦路徑為他日一舉擒滅之計因於十三日派海蘭察額森特明亮帶領奮勇

滿漢官兵及老教土兵由龍尾山過溝上華林山
派伍彌泰恭古賚等率領滿漢官兵佔住龍尾山
梁接應堵截海蘭察等過溝先令老教土兵上前
誘賊伊等暫駐塹邊待其出壕即行截勦賊匪狡猾
異常惟藏匿海壕放鎗抵禦終不敢出壕迎敵
自寅至未併力支持我兵若令深入於制勝機宜
尚無把握因將官兵徐徐撤回佯示賊人以我兵
形勢不過如此既可堅其死守之心而於他路防

倂必懈一俟屯練兵到即可添派兩路健兵從華
林山之西面後面突前進攻賊人四顧不暇方能
一舉殲滅查此次打仗賊匪為鎗礮擊斃者二三
十名土兵受傷陣亡者共有數名又華林山之北
有高樓一座向為賊人窟穴於進攻之路有碍且
下臨直礮深至數丈官兵不能越過臣預派土司
楊宗業帶兵數名藏伏溝內乘賊匪在前抵禦時
奮力爬上放火燒燬賊人愈加惶懼而於他日進

兵甚有裨益業將該土司酌量獎賞

同日阿桂又奏言賊匪自初二日創敗以後愈形
惶懼將所踞華林山四面海壕更加剗剗寬深止
留向南小路一條盡力抵禦為死守之計我兵非
不能過去但現在簡選之奮勇滿漢兵僅能直前
對敵若令深入賊營恐難得利不能不稍俟兵力
齊全一齊殲滅現在阿拉山王羅卜藏多爾濟及
伊子旺親班巴爾等帶領該處兵於十三日到蘭

川省屯練亦據文綬咨稱於五月初六日起程飭令沿途迅速行走

臣

又接次迎催約計二十內外

可抵蘭州此項兵齊即可尅期了事惟是賊匪不過千餘而辦理如是之費手實非

臣

意料所及至

蘭州城外四面皆山西關外緊接賊營並無隙地惟東關外稍覺平坦可以劄營又距賊營較遠聲

勢不能呼應民心更覺驚惶是以

臣

等入城居住

臣等目擊情形不得不通融辦理斷不敢當此勦

賊緊急之時尚欲辭勞就逸也至洪濟橋唐家川等處回民素與馬明心蘇四十三潛通膽敢札械偷渡賊匪寔為罪大惡極現經該處民人首告拏及兵役陸續拏獲賊黨七十餘名婦女幼孩數十口臣已飛飭分起提解到省嚴審通同謀逆各確情將要犯派員解京其附從各犯俱即正法以彰國憲如通同附送未經就獲者尚多仍於勦賊事平後派兵前往痛加懲治以儆兇頑所有拏獲之

馬復才馬丁加蘇二個馬應高四犯除馬應高患
病甚重恐逃顯戮業經正法梟示外其馬復才等
三犯即遵

旨派員先行解京至循化廳等處從前拏獲各犯內蘇
五個馬八十三二名據該廳稟報因傷監斃戮屍
其餘各犯前因賊匪逼近蘭城未便提解臣阿桂
等抵蘭後已飛飭各該屬妥速解省俟解到時即
行詳細審明分別解京正法此外現在拏獲監禁

人犯甚多並經行知該各地方官訊供明確亦即
照此辦理均奏入

上命軍機大臣傳諭阿桂李侍堯曰阿桂奏十三日派
兵誘賊出拒賊仍藏匿不出擬俟屯練兵到添派兩
路健兵一舉殲滅等因用兵機宜設卡安營自應與
賊逼近形勢方能聯絡今賊在城西而大營轉遠在
城東中隔一城安能遠為照應今詳閱奏進圖說方
得洞悉形勢從前城東安營之處究屬錯悞阿桂等

到後住居城內轉覺與賊營相近且可安城中百姓之心而前此伍彌泰仁和馬彪等之安營錯悞阿桂自必見及亦因成事不說耳至為賊札棧過渡之犯及蘭州西南兩關廂並河州回民從逆者均屬亂民當概行勦洗馬明心家屬例應緣坐者亦當即行查辦毋使兔脫至解京賊匪除現行起解外止須將蘇四十三及黨惡要犯數人解送其餘即於該處正法以免疎虞至此案辦理關鍵現在總以幫扶舊教滅

除新教為詞明白曉諭以安舊教回衆之心阿桂李侍堯妥協經理

同日阿桂又奏言查分路防守之兆河起台堡老鴉關巴煖營四處俱係零星隘口業於洪濟橋沙泥站總路安設重兵不能越過此四處若使賊人結夥逃竄現在已有馬兵可以追殺若不過四散潛逸即現在各處所安之兵數足敷堵截毋虞逆匪遠颺奏入報

聞

同日王廷贊奏言臣歷官甘省三十餘年屢蒙

皇上格外

天恩不次擢用洵厯藩司任重才庸涓埃未報今於撤
拉爾逆回不法一案乃以守城微勞復蒙

聖主疊沛

殊恩邀榮非分現在用兵之際需用浩繁臣情願將厯

年積存廉俸銀四萬兩繳貯甘省藩庫以資兵餉

奏入報

聞

甲午

上命軍機大臣傳諭阿桂李侍堯曰和珅到京復命面
詢一切所有現辦勦賊情形已畧悉大概阿桂在彼
自能料理妥協至前此詢問圖桑阿據稱馬彪年歲
已老今又詢之和珅據稱馬彪雖年老而人尚壯健
且歷練戎行此次亦尚出力至仁和辦事光景反熟

悉營伍之處似尚不如馬彪且仁和初到蘭州時在
金城關遙為放礮和珅到後察看該處距賊營約有
數里中隔黃河又安能以礮擊賊轉恐賊人由山路
繞至金城關搶奪礮位因令將礮撤回省城等語看
此一節仁和之辦事不得竅要可以類推且伊係本
省提督更非馬彪之由西安赴甘協勦者可比似此
不知事體恐難得利因思明亮於統兵打仗之事究
為可恃和珅亦奏具勇往出力朕意或將仁和與明

亮對調但川省地方亦屬緊要是否仁和尚可勝任
著傳諭阿桂秉公據實具奏候朕再行酌定又據和
珅奏賊人以打牲為業今有大藥鳥鎗至攻破河州
後所搶大藥又多是以現尚未缺乏且施放轉較官
兵有準等語賊匪所得大藥雖係在河州搶掠者居
多但其平日何因得有鳥鎗大藥打牲此皆地方官
查禁不力所致而綠營兵轉不如其純熟寔屬不成
事體著傳諭阿桂李侍堯將嗣後如何設法查禁不

使番回復能購備配合火藥一併入於善後事宜案
內妥議具奏再甘省兵數向因節次移駐新疆眷兵
未經補額以致各處存營兵少此次賊匪起事不能
尅期調集前已有旨令阿桂李侍堯於善後事宜案
內酌議添兵數千今據和珅面奏情形將來竟須多
為添駐方足以壯聲勢而靖地方傳諭阿桂李侍堯
即查明前後移駐眷兵共計若干即照數補額並令
時加訓練務使盡成勁旅至西安提督向本駐劄甘

肅固原州後固原改駐總兵而提督移于西安駐劄
管轄甘肅營務今據和珅奏固原州地方緊要似仍
應駐劄提督而以固原鎮總兵移駐河州其河州協
副將請於安定或會寧駐劄方足以資控制彈壓至西
安已有將軍都統似可無須再駐提督等語此事並
著阿桂李侍堯於善後事宜案內一併詳悉妥議具
奏

乙未

上命軍機大臣傳諭阿桂李侍堯曰此案用舊教而除
新教最為吃緊關鍵蓋舊教相沿已久回人等耳濡目
染習慣性成今欲去之勢有不可譬如僧道未常非
異端亦勢不能盡使為民也而新教則如白蓮等邪
教平日雖亦拜佛念經而惑眾滋事其名目斷不可
留將來辦理之法首先分別新舊名色即其中有已
歸新教而仍自認為舊教者是尚知畏罪避禍查辦
時亦只可因其避就量與生路所謂法外之仁不得

不網開一面也至逆犯等家屬將來俱應問擬緣坐
前經降旨即速發往伊犁之厄魯特索倫察哈爾等
兵丁為奴但思此處緣坐之犯既非善類新疆地方
亦不可不妨其復行煽誘莫若改發雲貴等省極邊
烟瘴之地較為得宜著傳諭阿桂李侍堯於完案時
遵照辦理再閱圖內賊營迤西一帶缺兵把守山路
叢雜將來勦捕賊匪於勢窮力蹙時或致竄逸藏匿
不但得以倖逃顯戮並恐事定後又復潛出惑眾均

未可知且聞賊人有將來事急欲投黃河之供或竟
自焚自戕皆所不免總之阿桂等若能生擒首犯固
為盡善即或一時不能生獲而查檢首惡屍身舊赦
回人俱能認識如王倫之自行燒斃確屍可認亦未
嘗不可了事斷不可拘泥必欲生擒之見轉致賊人
乘間逃逸阿桂等於剿滅賊匪時尤當相機辦理毋
使一名漏網再和珅奏陝西昆連四省形勢最為扼
要而現在西安駐防滿兵未免稍單且詢之伍彌春

據稱現有從前裁缺兵房空閒甚多若添撥駐防兵數千亦易安插等語阿桂於辦理善事後宜亦即將西安應添駐滿兵若干之處會同該將軍悉心籌酌奏請派往

丙申

上命軍機大臣傳諭阿桂李侍堯曰前王廷贊有奏繳積存庫俸銀四萬兩以資兵餉一摺因思王廷贊僅任甘肅藩司何以家計充裕甘省地方本為瘠薄而

藩司何以貪稱美缺若云有營私貪黷之事何以王
廷贊在任多年並無聲名不好之處即從前王亶望
在甘省藩司任內亦未必竟敢勒索屬員以肥己橐
但王亶望於捐辦浙省海塘工程案內竟捐銀至五
十萬兩之多伊在浙未久其坐擁厚貲當即在甘省
任內所得因思甘肅收捐監糧其中必有私收折色
多得平餘情弊且聞向來監糧係各州縣分收而近
來則全歸省城即使折色多得平餘而在部報捐者

亦未嘗不收盈餘若甘省所收平餘較多則捐監者
自不樂從何又紛紛向甘肅遠省捐監並稱較部捐
便宜其故實不可解若云該省監糧是係收納本色
而本色又如何多得盈餘其中情節總未能深悉著
傳諭阿桂李侍堯即將王廷贊因何家道充餘是否
即於捐監一事有染指情弊或另有巧取之處嚴密
訪察據實覆奏不可稍涉瞻徇

臣等謹案甘省收捐監穀原為邊疆積貯遇有歉

收可以賑濟貧民無需撥帑如果實收實發經
理得宜於民生自有裨益乃為大吏者竟敢上
下通同違例折收銀兩減價多捐虛報數甚
至捏稱灾賑侵欺飽索其殃民戕法恣意侵冒
竟成牢不可破之勢哉

皇上聖明洞察以甘省地本瘠薄而王亶望等何以各
擁厚貲所有私收折色諸弊當未經敗露之先
睿慮所及已一一炳燭無遺臣阿桂等凜遵

指示悉心確察遂使歷年積弊一旦破除從此吏治肅
清民沾實惠

聖天子坐照如神彼貪蠹隱私實無纖毫之能遁也已

欽定蘭州紀畧卷七

欽定四庫全書

欽定蘭州紀畧卷八

戊戌阿桂奏言官兵自十三日與賊接仗後本欲俟屯練兵到四路進攻以期一舉殲滅惟是賊匪勢雖窮蹙佯作鴟張竟敢於十四日下華林山至舊教土兵安卡處滋擾及海蘭察額森特明亮等帶馬兵數十名馳至山坳土兵知有倚恃翻身趕殺數人賊始竄歸窟穴其狡譎寔屬可惡且接文

綬來咨頭二起屯練於五月初六初八等日自維
州起程于二十五方抵蘭州等語臣等再四籌
酌於十八日派海蘭察同那木扎彰霽明山阿蘭
保阿拉山公多爾濟色布坦帶領侍衛章京阿拉
山馬兵由龍尾山過溝繞至華林山西南潛行埋
伏額森特明亮同泰斐英阿福寧阿爾都哈當阿
等步行帶領滿漢奮勇兵分為三路在水磨溝內
埋伏派舒亮帶領土司楊宗業番兵在華林山後

埋伏伍彌泰莽古賚旺親班巴爾烏爾圖納遜仁
和馬彪三德等仍率領滿漢官兵佔龍尾山梁接

應堵截

臣

阿桂

臣

李侍堯在後督率策應於是日

寅刻先令老教土兵由華林山前撲壓賊營賊於
溝壕之外安設卡柵數重放鎗抵禦土兵時前時
却至已刻佯作敗退之狀果有賊數百人出壕追

壓海蘭察等帶領侍衛章京由溝中奮勇衝出截
為兩斷馬上鎗箭齊發阿拉善兵用長矛隨後刺

殺其被截之賊殲戮殆盡而未被截住之賊稍退
復回與我兵一處擾殺及被殲甚多始竄歸卡柵
在溝壕內潛藏放鎗抵禦維時明亮等亦從溝內
覓路上撲無如崖礪陡峻賊人先已預防鎗勢甚
急不能立即砍營而入直至未時我兵雖屢次前
撲賊終藏匿不出因將官兵徐徐撤回查此次除
鎗炮擊死賊人不計外約殺賊六七十名侍衛哲
森保放鎗打死騎馬賊目_臣等恐賊匪計圖竄逸

連夜派精細之人於賊營左近偵察並預行派定官兵一有信息海蘭察等立即帶兵馳追本日早據報賊營尚無動作此次侍衛內哲森保珠爾杭阿阿禪保克臣保及守備馬得俱帶有鎗箭等傷尚無妨碍

同日阿桂李侍堯又奏言甘肅一省寔因地廣兵單以致奸人暗生覬覦釀成事端若能多添官兵數千時常操演寔為思患預防之計其應於何處

添駐及循化廳是否另須大負彈壓之處俟剿賊完竣_臣等於善後事宜案內悉心籌畫經理另行妥議具奏均奏入

上命軍機大臣傳諭阿桂李侍堯曰本日阿桂奏剿賊情形一摺賊匪勢已窮蹙尚敢潛出滋擾寔為可恨看此光景賊人自知指日就擒衆心渙散意圖分路竄逸恐官兵防守嚴密是以先行下山滋擾故為鴟張行徑以便事勢窮蹙之際從後路竄出即從前有

事急欲投黃河自盡及設誓死守之供恐亦係虛言
散布使我兵不行准備便可乘間脫逃此則阿桂等
最應留心稽查者前閱進到圖內賊營迤西一帶山
勢重疊恐其中小路甚多而所安設官兵尚未能十
分嚴密使賊匪即從該處乘馬衝逸練營官兵未必
能悉力堵禦若改換衣帽分散潛逃又恐搜捕不能
淨盡惟在先事預防使一名不致漏網為要至賊人
雖已露待斃情形但亦不可輕視即川省屯練兵二

十五六等日到蘭為期已近然尤宜持重整頓兵力
使一鼓盡殲方為妥善再此次侍衛哲森保趕殺賊
匪頭目勇往可嘉且又受有鎗傷著阿桂查明該侍
衛現係何等職銜即奏明加一等陞用以示獎勵其
餘受傷各員並著逐一照例獎賞至添設官兵一事
亦據和珅面奏數千尚屬不敷即添至一二萬亦無
不可現已交部查辦矣

同日阿桂又奏言賊匪佔匿山梁雖屬崖礪陡峻

其地勢較兩金川實大相懸絕誠如

聖諭豈有金川能進兵而此處賊匪反不能剿捕之理
惟是現在簡選之滿漢官兵尚非殺賊好手不得
不稍俟屯練兵到四路齊進以期一舉殄滅至我
兵數次攻剿俱下龍尾山過水磨溝上華林山方
能直壓賊營山徑路窄止容一人一騎魚貫上下
賊於溝塹兩旁及壕內施放鳥鎗皆可暗傷官兵
是以未能即時剿滅又華林山前我兵打仗處所

並無水泉其華林山後賊人佔匿之處下臨黃河
汲取甚便臣初到蘭州時即與海蘭察等籌計欲
分兵佔守杜其飲汲之源則不數日間賊即不戰
自亂但華林山後河岸甚窄既不能駐劄多兵且
賊人居高臨下鎗石兼施我兵難以存住若在對
河放鎗勢不能及是以止可多派兵丁在隔崖嚴
密堵截而不能斷其水道坐令困斃奏入報

聞

閏五月癸卯阿桂李侍堯奏言查蘇四十三等逞
兇肆逆其撒拉爾各莊新教逆回起事者皆其死
党其搶佔河州圍逼省城自知罪大惡極無可解
免即洪濟橋唐家川等六處党惡從逆隨至蘭州
者亦自知罪在不赦是以立誓死守難于解散臣
阿桂與和坤於五月初間亦曾令撒拉爾舊教回
人緝寫回字曉諭脅從賊党令其擒獻賊首尚可
免死於賊營附近一帶挿立布旗分散曉示亦如

治病偏方姑為嘗試今奉

諭旨

臣

等復派令舊教撒拉爾回人前往賊卡相近處

大聲曉諭以現在天兵齊集帶兵將軍等從前曾

經掃蕩西路回城數十處爾等不過數百人據彈

丸之地何難立時剿除所以數日內不即進攻者

因仰體

大皇帝好生之心不忍爾等脅從諸人同受剿戮若能
得賊首及大頭目擒獻尚可不至於死如再執迷

大兵一進不分首從俱行剿洗諭畢賊匪頭目拍掌聲喊似不欲其黨羽聽聞老教回人復行宣諭一次賊党有懇求寫字散給者此雖欲生致首逆之一法總不若俟屯練兵到四路進攻一舉剿滅無餘方足以奮兵威而揚士氣至保安四屯土兵及鐵部番兵已陸續調到數百名看來亦不及屯練降番遠甚此等土兵即係番人向屬土司與撒拉爾逆回種類各別保安四屯在循化附近其鐵

部番兵屬洮州土司楊宗業該土司現派頭人帶兵打仗最為恭順惟鐵部與松潘接壤程站亦遙一時不能到齊其未起身者業已停其調撥所有該二處土兵與逆賊差往求援之安定會寧及為賊紮棧過渡之唐家川六處回民相去遙遠並非同教

同日阿桂李侍堯又奏言查賊匪肆逆以來循化河州等處及各州縣陸續擒獲黨惡要犯並附從

賊犯又搜拏逆賊家屬共七百餘名口除因傷身故及在監病斃外尚有六百餘名臣阿桂到蘭州後即飛飭各州縣將已經赴解各犯分起管解到省派員會同按察使福寧嚴審通同謀逆各確情將要犯派員解京其無關緊要各犯審明後即行正法至循化河州西寧各處監禁逆犯尚多臣等核其供詞內情節緊要者提省審辦其餘從賊各犯即檄飭該州縣會同營員監視正法將來擒獲

首逆蘇四十三並為逆匪出力主謀之大頭目等
即派員解京訊問其隨同抗拒及為賊脅逼甘心
從賊者拏獲審明後亦即予駢誅以昭國憲至現
在各處監禁之家屬婦女幼孩數百口統俟剿賊
完竣遵

旨就近發往伊犁賞給厄魯特索倫察哈爾等兵丁為
奴以省長途解送之煩

同日阿桂李侍堯又奏言

臣等遵

旨詢問王廷贊據稱三月二十七日午刻賊衆聚集西城門下索討馬明心見面稱係伊教主等語因問馬明心經總督密飭安定縣知縣黃道哭拏解來省廷贊隨令臯蘭縣知縣蔣重熹密喚馬明心上城前赴垛口賊衆一見皆跪呼經主知其為案內起事首犯無疑廷贊正欲交臯蘭縣嚴加看守而賊衆因不將馬明心放給大肆猖獗將月城門燒燬彼時有二人隨從馬明心上城問係隨來服侍

之人廷贊欲令馬明心寫字止賊諭以靜候稟明
總督批辦馬明心以不能書寫不肯寄字欲令在
旁二人前去告知其時賊勢兇惡已進逼大城門
下冀可暫緩賊勢是以即將二人縋下城去賊匪
並未依從益加攻撲廷贊一面密囑皋蘭縣速將
馬明心正法一面督率兵民盡力施放鎗石並架
礮轟斃多人賊始敗退此在城文武官弁所共見
者但以倉猝之際未能詳細陳奏實係王廷贊之

罪只求

皇上從重懲治等語再臣到蘭州後即聞王廷贊有將

馬明心之子及婿放令出城予賊之語未及查訪

確實嗣後密飭安定縣黃道熹詳查稟覆據稱馬

明心從前解省時跟隨之人一係表姪張懷德隴

西縣回民一係表姪婿張漢安定縣回民在省一

同管押看守該犯之子並未隨同赴省等語合並

聲明均奏入

上命軍機大臣諭阿桂李侍堯曰閱阿桂等奏到供單
內據買成伏供有賊人因西寧糧草最多令其前往
探聽虛實之語賊匪自知計窮垂斃必思挺而走險
乘間竄逸斷不肯束手就縛西寧一帶山多地曠兼
糧草富足尤不可不加意防範若賊人乘機結隊奪
路衝逸尤屬不成事體著傳諭阿桂等逆匪首犯若
能設法生擒固為盡善倘一時不能擒獲即被鎗炮
殲斃甚或自焚自戕得有確屍亦可完事斷不可令

其乘機免脫以致別滋事端又阿桂等前奏賊人所掠糧草僅能支給月餘今又閱數旬自己匱竭賊人又從何處得有接濟恐仍有潛出搶掠及附近匪徒暗為運送之事著阿桂等嚴密防捕毋使暗中接濟得以苟延殘喘至逆犯家屬將來辦理時其婦女幼孩不可合為一處所有婦女仍發厄魯特等處為奴其男丁雖幼孩改發雲貴烟瘴地方著阿桂等于剿賊完竣後分別遵照辦理又阿桂等另摺奏詢據王

廷贊稱賊人索討馬明心時王廷贊令馬明心寫字
止賊馬明心欲令在旁二人前去告知退散王廷贊
隨差此二人縋城前往送信暫緩賊勢等語王廷贊
本係文職或因一時賊勢猖獗計無所施將此二人
放出為一時緩兵之計尚近情理今據稱因聽馬明
心之言始將二人縋城前往殊為巧辯不實俟拏獲
該二犯時阿桂等當嚴行詰訊徹底跟究毋得顛預
了事

同日阿桂李侍堯又奏言查唐家川即在洪濟橋
該處回民多從蘇四十三等新教潛通交結並敢
紮棧偷渡賊匪前經老教回民首告共拏獲賊黨
七十餘名在河州監禁臣核其所供情節將緊要
人犯提省審辦餘于該處正法者現有三四十名
是唐家川逆黨除隨同賊首佔據山梁外其在原
處居住俱係拏獲正法即有餘孽亦屬無多俟剿
賊完竣起兵威嚴整之時派明幹大員帶兵前往

無難查辦至所拏賊犯馬復才係在白塔山溝為
守卡兵民拏獲已派員解京馬應高一犯係安定
縣知縣黃道熹拏獲已因病重正法至舊教新教
雜居一處之故緣伊等所念回經本同不過有小
聲大聲之異地方官無從辨别且有父子兄弟而
各分新舊教者惟因兩教互相讐殺是以起衅滋
事亦幸其兩教彼此結怨是以新教逆回易于拏
獲無處竄颺經此番懲創之後回民斷不敢復習

新教起此立法嚴禁自可斷絕新教名目俟_臣等

于辦理善後事宜案內妥計熟籌設法革除以為

永遠安輯之計其馬應高供出同夥之韓八十等

四人_臣阿桂於該縣稟報拏獲馬應高時即飛飭

該縣添派兵役速往內官營一帶山溝搜捕嗣據

該縣稟稱各處搜查並無踪跡是馬應高供詞不

可盡信所有韓八十等四名仍令各處嚴緝務獲

並俟拏獲正賊再行審究奏入報

聞

同日阿桂李侍堯又奏言

臣等欽奉

諭旨查甘省收捐監穀有無弊竇及應否停止之處據實奏聞等因仰見

皇上坐照如神無微不燭查甘肅收捐監糧事例于乾隆三十一年奉

旨以漸收折色者多於積貯實政無裨

特勅停止嗣于三十七年調任總督文綬

奏稱新疆烏魯木齊一帶屯政日興年穀順成產糧既多而往彼販運者甚少若非預籌收貯不免有穀賤傷農之慮請照舊例准各省商賈士民報捐監糧以裕積儲經戶部覆准奉

旨允行而三十九年原任總督勒爾謹即

奏請甘省各處仍復捐監舊例以省撥帑之煩亦經部覆准行在案此甘省捐監其停止之故寔因杜絕弊源其停而復開則欲藉捐輸而資裒益也

臣

等伏思捐監一事如果地方大吏經理妥善原于帑項倉儲均屬有益若辦理不善則收捐既為利藪稽察亦屬虛文包攬之徒得以因緣為奸而貪墨之吏並且從而染指非惟有名無寔甚至百弊叢生臣阿桂自到蘭州留心體察從前所謂折色包捐諸弊寔難保其必無至臣李侍堯蒙

恩授以陝甘總督重任監糧一事通省利弊攸關何敢不寔心查辦惟是甘省幅員寥濶各州縣寔貯常

平倉糧監糧共二百五十餘萬石未必如數無虧
非半年數月盤察難周而事關通省官吏亦不得
不慎重圖維俟臣等悉心體訪有無弊竇虧缺於
臣阿桂起身前再行據寔具奏奏入報

聞

同日

上諭內閣曰本日大學士九卿等會奏定擬勒爾謹情
罪一案勒爾謹于逆回爭立新教從未奏聞辦理以

致養癰貽患又不能相度機宜速行剷滅擬以斬決
自屬罪所應得但其平日居官尚無貪黷枉法欺蹟
即辦理此案含糊觀望坐失事機寔伊庸弱無能所
致而朕委以封疆重任不及早覺察易置寔不能不
引為已過勒爾謹著從寬改為應斬監候秋後處決

臣等謹按封疆大臣職司鎮守無事則弭亂未
形有事即相機速辦若起釁之初既不能預杜
禍源及致養癰貽患又復觀望遷延束手無措

如勒爾謹之貽誤地方自應按律定罪明正刑
章乃蒙

聖慈曲諒猶以此案債事寔由庸弱無能所致且平日
未有貪婪賊款權其重輕改為監候迨至冒賑
折捐蠹弊盡發之時其罪仍不少貸我

皇上寬嚴折衷至公至當何一非鑑空衡平者乎

戊申阿桂奏言前據四川總督文綬咨稱派令副
將李天祐帶領屯練兵丁於五月初六初八日分

起啟程二十五六可至蘭州等語臣查李天祐帶領屯兵由維州至松潘程站本近原可三日即到其自松潘至蘭州路程雖有二十餘站內十三站僅五六十里及六七十里若併站趲行又可早到五六日計算頭二起兵原可於二十三日以前皆到乃竟毫無音信經節次嚴催頭起屯練四百八十名於二十九日酉刻始抵蘭州其李天祐所帶二起屯練尚無確信玩延至此若不嚴叅示儆何

以明軍律而肅戎行應請

旨將四川維州協副將李天祐革職發往伊犁自備資
斧効力贖罪所有分帶屯練之都司汪啟守脩關
聯陞張占魁等俱係聽李天祐管領姑免置議奏
入奉

硃批上諭曰彼固有罪革職令其軍前効力贖罪若再
不奮勉即於軍前正法可也

同日阿桂李侍堯奏言黃河船橋被賊燒燬後遵

奉

諭旨此時且毋庸搭成以防賊人偷過至金城關一帶
現已添派多兵晝夜防範無虞竄逸惟前日有自
賊營脫回之老教土兵三名據稱蘇四十三向伊
醜類揚言到至急時隨伊北走死後即得好處之
語妄言哄誘臣思賊營之北緊臨黃河既有此言
將來勢窮計威希圖跳入黃河俾逃顯戮亦未可
定因令地方官預備船隻搭造浮橋並於河邊安

設卡柵派副將一員帶兵二百名駐守又令多備
皮渾屯撓鈎安設水網以俟進剿時撈取活賊及
屍身以正 國法臣因屯練兵丁久無音信本欲於
二十八日大舉剿賊嗣聞屯兵於月內可到不如
稍俟以圖計出萬全但思該兵丁等跋涉幾三千
里必須休息數日方能鼓勇殺賊而自十八日以
後未經派兵進剿不能悉其近日情形因於二十
六日派侍衛遜齊烏等二十餘騎至賊營之西山

嶺上察看情勢佯為遊兵誘賊賊匪遙遙觀望不敢出迎又於二十八日派海蘭察額森特明亮伍彌泰莽古賚馬彪仁和等酌帶滿漢兵在龍尾山梁向賊營架礮轟打使賊不得休息其挑出奮勇官兵俱未派往令得蓄養銳氣惟時我兵打至數十礮多有中其帳房人馬者賊匪窘迫又見官兵尚少即有賊人數百下華林山過溝於礮邊放鎗希圖衝突而上皆為我兵放鎗擊敗其稍近前之

賊又被侍衛章京奮勇追殺賊即紛紛竄歸卡柵
我兵本不欲深入故未追趕因于申時撤回賊匪
被鎗礮打死者頗多沿溝俱有血跡此次接仗殺
傷賊匪約數十名我兵陣亡三名帶傷十餘名本
日頭起屯練兵已抵蘭州俟二起到時令其休息
數日即尅期大舉四路進攻

同日阿桂李侍堯又奏言查馬明心正法後至今
兩月有餘如果該犯黨羽甚多聞知馬明心被殺

不肯甘心則於賊匪攻圍蘭州時安定縣城無兵
防守自必乘虛蠢動豈能安堵如常乃自逆回起
事以來該處回民甚屬寧靜驛使往來及運送火
藥糧餉經過毫無他故而會寧尤安貼未聞別有
浮言是馬復才所供賊匪差人往安定會寧等處
求援一語未必非搖惑人心之計至臣等於安定
等處早已派兵彈壓並飭該縣時刻稽查防範俟
剿賊完竣酌派明幹大員於陝省官兵撤回大營

之便將馬明心家屬党羽訪查確實照倡立邪教之例按名拏獲嚴行辦理至新教即係邪教但訊據賊党稱馬明心自二十六年從口外回家即倡立新教令人大聲念經蓋緣新疆各城所居回民其念經即係高聲大念臣阿桂所素知者至內地回民之小聲默念或於唐朝初入中國時為人訛笑因改為默念馬明心自口外回家遂以為在西域得有真傳轉相傳習其實經本一樣而愚民厭

故喜新俱為煽惑隨教者甚多地方官又因其本屬一教無從辨別異同未經查禁是以甘肅一省臯蘭狄道河州鞏昌安定會寧金縣渭源秦州固原西寧平涼靈州伏羗涼州肅州鹽茶廳等處數十州縣回民甚多新舊雜處臣阿桂與和珅先後到蘭州各新教回民心懷疑懼或為逆匪煽惑特出示曉諭令各安本業其未經從逆者決不波累以安衆心查回民崇奉新教不過以能得好處之

言彼此煽誘今見倡立新教之馬明心已身正刑誅家屬緣坐興起新教之蘇四十三等俱遭殲戮而洪濟橋唐家川從逆新教又殺戮無赦其餘各處新教有與馬明心蘇四十三往來勾結者難逃顯戮回民雖愚亦知禍福斷不肯復習新教自投羅網臣等於辦理善後事宜案內立法嚴禁飭令各屬將新教所起禮拜寺概行折燬革去新教阿渾掌教名目如有私行傳習陽奉陰違者一經查


出照邪教律從重辦理並曉諭舊教回民隨時覺
察一有萌孽即首告拏如此立法稽查則新教
自然淨盡可以杜禍源而靖邊陲至原任甘肅藩
司王廷贊已飭令於閏五月初一日起身赴京其
辦理錯謬之處實難辭咎除伊奏請情愿捐銀四
萬兩遵

旨作為軍營犒賞兵丁之項外此後凡軍營一切賞需
俱著落該司名下儘數捐出歸款奏入

上命軍機大臣傳諭阿桂李侍堯曰阿桂等奏到各摺賊匪情勢日見窮蹙屯練兵到齊後自可尅期剿滅但兵丁跋涉遠來自應休息數日以期一舉集事至蘇四十三事急北走之語恐係故為揚言以為向西奔竄之計蓋回人向以西方為正面猶內地之以南為正前閱和珅所携之圖賊營向西一帶亂山叢雜路徑甚多阿桂等務宜加意防守寔力堵禦勿使人乘間兔脫方為妥善至所稱馬明心正法後安定

一帶回民安堵如常並無蠢動形跡所奏固是但馬明心挈獲解送時蘇四十三尚未攻圍蘭州該處回民自不敢遽行蠢動及馬明心正法後官兵即陸續雲集馬明心家屬黨羽即使得信亦未敢肆行不法然馬明心究係傳教首犯該處一帶回民平日素與交結者不可不留心訪察辦理至其家屬應緣坐者尤應嚴行查辦務宜根株悉絕不可存姑息完事之見又據奏甘肅新舊回民雜處之各州縣不下數十

處統俟事竣後立法查辦革去名目等語亦祇可如此辦理但如唐家川洪濟橋等處從逆回民則剿洗不可不盡斷勿少存姑息以致養癰貽患



欽定蘭州紀畧卷八

欽定四庫全書

史部

欽定蘭州紀畧卷十一

編修臣李傳熊覆勘

總校官編修臣程嘉謨

欽定四庫全書

欽定蘭州紀畧卷九

甲寅阿桂李侍堯奏言川省頭二起屯練兵於五月二十九及閏五月初一日先後到蘭臣等思該兵丁等跋涉幾三千里必須休息數日方能鼓勇殺賊而賊匪盤踞已久防禦甚周剋期大舉尤須計出萬全以圖一鼓殲滅此數日內本不欲派兵進勦俾屯兵初到蘭州於華林山形勢及進兵路

徑打仗情形無由知悉必須預令得知而屯練兵
丁亦踴躍報効因於閏五月初三日派海蘭察明
亮同那木札彰謁明山阿蘭保及阿拉山公多爾
濟色布坦帶領侍衛章京阿拉山馬兵川省屯練
兵由龍尾山過溝繞至華林山西南斜撲賊卡派
舒亮哈當阿三德泰斐英阿福寧帶領滿漢奮勇
兵過溝由華林山南直壓賊卡額森特帶兵在龍
尾山坡俟有可乘之機即分路督率繼進伍彌泰

莽古賚旺親班巴爾烏爾圖納遜仁和馬彪羅江
鱗等仍率領滿漢官兵佔龍尾山梁接應堵截並
架礮向賊營轟打是日寅刻齊至華林山賊匪已
將前次進攻之路砍斷並多掘坑塹令我馬兵不
能馳騁海蘭察等帶領屯練兵曲折遶進相近賊
卡賊匪仍於卡內放鎗抵禦不敢出迎惟時屯練
兵即奮勇撲進直至卡邊賊匪見事勢已急即有
數百賊出卡拚死抗拒屯練兵棄鎗短接刀砍矛

戮殲甚多賊始退回我兵乘勢撲壓賊匪又復
出拒如此三次賊匪被殺更多始竄歸卡柵在溝
壕內潛藏放鎗抵死不出此次本不過令屯練兵
畧知路逕情形尚非大舉至未刻即將兩路官兵
徐徐撤回查此次除鎗礮殺死賊人不計數外其
三次攪戰約斃賊六七十名官兵屯練陣亡者十
二名副將保興都司皂王保守脩關聯陞阿拉山
三等台吉諾依多普叅領達克巴俱帶有鎗傷尚

屬無妨臣查賊匪能打仗者不過數百人現在滿漢屯土官兵已有萬餘任其盤踞死守苟延殘喘實非意計所及現在川省降番已到更無可待臣等公同籌畫即於初九初十兩日剋期大舉四路進攻務將逆匪剿除淨盡

同日阿桂李侍堯又奏言查賊匪勢已窮蹙臣等時刻留心慮其竄逸所有防守後路各將備屢經嚴飭曉諭令晝夜防範嚴密稽查至賊營之北緊

臨黃河不但對岸金城關駐兵嚴防並於南岸船
橋處所亦新立卡棚添兵二百名駐守其迤西一
帶因欲於大舉時派兵從此路進攻故尚未安設
多兵該處雖山勢重疊路徑叢雜迤西總有洮河
為限不能越過沿河洪濟橋一帶有兵八百餘名
迤南之沙泥站又有兵九百名防守賊匪即使結
隊乘馬衝逸一至河邊不能不下馬覓渡無難剿
滅若改換衣帽分散潛逃則撒拉爾逆回鬚髮截

短言語不同易於識認且有舊教指拏不患不搜捕淨盡臣等仍加意稽查先事準備以期殲戮無遺

同日阿桂李侍堯又奏言查新教即係邪教固當按律辦理但馬明心自二十六年從口外歸家即倡立新教愚回厭故喜新俱為煽惑至三十四年賀麻六乎韓哈濟等互相控告地方官又並未飭禁流傳日久現在各州縣回民內崇奉新教並不知其為犯法自逆回滋事以來新教回民畏懼早已羣相避就若復究其已往無

論原屬一教難於辨別異同且按戶搜查亦多未便臣等再四思維馬明心為新教之首其家屬黨羽事竣後自當照倡立邪教之例按名查拏嚴辦其伏羌縣為馬明心歛銀之回民如果屬實亦當一併查辦無遺此外向從新教者只可於辦理善後事宜案內立法嚴禁其首逆蘇四十三及助惡頭目韓一的巴拉等罪大惡極所有家屬當概予駢誅不留餘孽其餘各犯家口即遵旨改發雲南普洱廣西百色等處極邊烟瘴之地以淨根株

均奏入

上命軍機大臣傳諭阿桂李侍堯曰前已屢次傳諭阿桂以賊營迤西一帶山徑叢襍小路甚多尤須留心防範且甘省回民甚多其中多有蘇四十三黨羽該犯計其尚肯容留尤不患無藏身之地阿桂務須實力嚴防即或伊勢窮計蹙竟爾自焚自戕必當檢驗屍身確有憑據方為完事此尤辦理之最要者至馬明心之家屬黨羽自當按名查拏嚴行辦理其伏羌縣為馬明心歛銀之回民如果查明

屬實亦必須查辦無遺不可稍為姑息更不可化為無事
倘查辦不能淨盡以致再養癰貽患其所關甚鉅阿桂李
侍堯務須妥協經理以期永靖邊陲

同日

上諭內閣曰此次調赴甘省勦捕逆回之四川屯練降番土
兵甚屬勇往出力著加恩於甘省藩庫內各賞給一月口
糧以示鼓勵

同日阿桂李侍堯奏言烏魯木齊提督喬照過蘭來見

據稱在京

陛見時曾面求即在蘭州帶兵効力

上以勦賊事務將竣屯田緊要未蒙

俞允現當尅期進勦情願留甘帶兵等語查喬照年已七十

餘歲從前亦未經歷行陣無需伊在此帶兵打仗惟聞

該提督在甘年久於陝甘兩省營伍情形最為熟悉現

在遵

旨增添兵數其何處地方緊要何處控制番回臣阿桂雖經

過甘省數次不過畧知梗槩而臣李侍堯則更係初到
無由深悉應請將喬照暫留二三十日臣等詳詢一切
公同熟商俟辦有就緒再令往烏魯木齊任事至建昌
鎮總兵鄂輝於閏五月初二日抵蘭現在帶同帶兵打
仗奏入報

聞

同日李侍堯又奏言現在調集滿漢官兵及土練屯練
會勦逆匪一應供支俱應寬為籌備臣抵省以來查核

軍糈頗為充裕尚有陸續報運者計算儘數儲備至所需銀款仰蒙

皇上勅部發帑一百八十萬兩解甘備用臣抵任後詢據布政使福崧稟稱前督臣勒爾謹先經檄令前任藩司王廷贊節次動撥司庫五十二萬四百兩零分發各州縣以應急需其東路州縣即於陝省解甘兵餉內截留應用銀二十二萬三十兩統計已共發銀七十四萬三千四百兩零勒爾謹因軍務倥偬未及

奏明臣現在督飭承辦官員將前項給發銀兩動支款項
覈實具報俟即日軍務告竣分晰應否准銷按款造冊
具

題照例據實核銷奏入報

聞

己未阿桂李侍堯奏言臣等於初九日令海蘭察額森
特明亮同那木扎明山泰斐英阿福寧哈當阿鄂輝阿
拉山公多爾濟色布坦帶領侍衛章京阿拉山馬兵川

省屯練及延綏固原綠營兵共三千餘名由龍尾山過溝統至華林山西斜撲賊營派舒亮薩炳阿彰靄三德帶領滿漢兵一千七百餘名由龍尾山過溝從華林山南直壓賊卡派馬彪仁和阿蘭保阿爾都帶領綠營兵二千名及舊教土兵由華林山東分路上撲賊營派羅江麟額爾恒額帶領土司楊宗業所屬番兵由華林山後攻撲賊營羅卜藏多爾濟伍彌泰莽古賚旺親班巴爾烏爾圖納遜仍率領滿漢官兵佔龍尾山梁接應堵

截臣阿桂臣李侍堯在後督催策應子刻先後發兵寅刻齊至華林山梁整飭各隊惟時海蘭察額森特明亮等帶領西南兩路官兵由華林山直撲賊卡即將賊匪所立卡子四座盡行搶得直至大卡邊奮力攻撲賊匪於卡邊刨挖深溝一道潛藏溝內放鎗抵禦鎗勢甚急未能撲進而賊匪見我兵直至大卡惟恐一失即不能存立遂傾穴出迎拚死衝壓海蘭察等因壕邊坑坎甚多不能馳騁即棄馬同衆兵步行鎗箭齊發殲戮甚多

賊人稍退復回希圖撲壓如此數次始竄歸卡柵在溝
壕內潛放鳥鎗我兵乘勢上撲不能得手而華林山之
西亦有立礮數道兩旁溝壕甚多無路可上其時馬彪仁
和等帶領綠營及老教兵從東邊溝內覓路奮力上撲
無奈崖礮陡峻而賊人向下施打鎗石我兵多有損傷
不能立即砍營而入至華林山之後賊匪又已預備番
兵攀援而上俱為鎗石所中滾下山坡自寅至未我兵
作氣何啻三鼓若令久駐反恐無益臣等因將各路官

兵徐徐撤回此次打仗殺賊百餘名而官兵直至卡邊
撲壓及攀礮仰攻未免損折稍多陣亡三等侍衛齊勤
泰一員把總三員滿漢屯土番兵共七十六名查此次
厚集兵力四路進攻滿擬一舉殲滅又因賊匪負固死
守未能集事臣等實深愧憤焦急現在悉心籌畫另圖
計取之策仰仗

聖主天威必能一鼓勦除設或仍前阻住現在將屆麥熟賊
匪必思就近割取以充糧食即於賊營迤西趕緊安設

數營嚴密圍困晝夜防範先令賊人無路覓食不戰自亂可以乘勢殲除斷不至耽延時日

同日阿桂李侍堯又奏言臣接奉

上諭據賊人買成伏供有賊因西寧糧草最多令其前往探聽之語不可不加意防範臣查買成伏係三月三十日在西寧盤獲嗣經解省訊據該犯供稱三月二十六日晚間蘇四十三因聞西寧客商買賣人衆糧草最多令其前往探聽虛寔三十日行至平仲驛地方即被兵役拿

獲等語計彼時正值賊人初至蘭州勢方猖獗各路官兵尚未到齊是以蘇四十三敢令買成伏前往探聽希圖搶掠糧草目下賊勢窮蹙各處俱安兵防範斷不能復至彼處滋擾至賊人雖拚死抗拒實不過釜底游魂現在惟有多方籌畫俾早就生擒即令自焚自戕以及跳河致斃亦必盡心設法求其屍身確據必不令乘間免脫致別生事端其所有糧草尚係從前搶掠所得臣阿桂初到甘省時賊人猶潛出滋擾民間有被其搶掠

前來稟報者近日以來並無稟報搶去糧食等物之事而賊營附近居民地方均已差人曉諭搬移賊人無從搶劫况沙井驛阿干鎮一帶皆有兵防守稽查嚴密即有附近匪徒亦不敢暗為運送接濟奏入

上命軍機大臣傳諭阿桂李侍堯曰日內盼望捷音甚為懸切及披覽阿桂奏此次進剿又未能即刻擒獲殊增憤懣看來逆匪拚死抗拒頗為兇悍阿桂另摺所云賊勢窮蹙竟不可輕為此語且此次官兵打仗不可謂不盡力而仍

未能一舉殲擒尤須慎重籌畫計出萬全不宜再多傷兵力阿桂所稱嚴密圍困使之無路覓食不戰自亂自應如此辦理但防範倍須嚴密務使聲息不通至所稱賊人糧草尚係從前搶掠所得朕以為必無此理據前奏賊匪尚有一月糧食今賊匪佔據山梁已及三月即和珅回程以來又幾五十日若僅係前此搶掠之糧安能供給如許之久恐仍不免潛出搶劫并或有人為之接濟朕始終以此為疑即火藥一項前據奏賊人止存二十馱藏在營內地

壕裏若果如此則目下亦將用罄何致尚稱鎗勢甚
緊即賊人箭枝亦應用完何以尚有受箭傷之人是
阿桂所稱附近匪徒不敢暗為運送者亦未必然惟
當加緊防範不使復有剽掠接濟之事而迤西一帶
尤宜防其逃竄并潛通消息為要

同日阿桂又奏言此次與賊匪打仗海蘭察左脇
下受鳥鎗傷箭傷各一處仍照舊領兵舒亮左肘
下受箭傷一處即拔去箭用手中包裹仍領兵打

仗薩炳阿心坎旁受箭傷一處鄂輝左腿受鳥鎗傷一處鎗子打入腿內劃開取出俱屬無妨奏入上命軍機大臣傳諭阿桂李侍堯曰據阿桂奏海蘭察舒亮薩炳阿鄂輝勦賊時各受鎗箭傷深堪嘉憫著加恩各賞大荷包一對小荷包二對鄂輝被鎗子打入左腿已經取出實為奮勇著賞給巴圖魯名號並加賞銀一百兩

同日阿桂李侍堯又奏言甘省自逆回滋事以來

節次調派土兵隨同進剿所有莊浪土司魯璠舊
教土司韓煜業經蒙

恩賞戴花翎並加等給予頂帶此外有洮州土司楊宗
業因年尚幼係母楊馬氏護理土務派令頭目帶
領番兵一千餘名至蘭州軍營從征並於各後路
派令協同防守將屆兩月屢次打仗並捐備馬匹
器械等項陸續往軍營運送甚屬踴躍急公又寄
信伊頭目等令其奮勇出力殊為可嘉查該土司

始祖由明初世襲洮州指揮僉事其六世祖楊朝
樑於康熙初年從征吳逆有功

特授洮岷協副將並給騎都尉世職准襲三次該土司

楊宗業現已年屆襲職之期臣查甘省西南一帶

番回錯處各屬土司有三十餘員今楊宗業奮勉

出力若蒙

恩旨嘉獎則衆土司各知鼓勵於綏靖撫馭機宜亦屬
有益該土司現襲指揮僉事係正四品可否照魯

璠韓煜之例請

旨賞戴花翎並加等

賞給頂帶以示獎勵之處出自

皇上天恩奏入

上諭內閣曰據阿桂等奏洮州四品土司楊宗業派令
頭目帶領番兵一千餘名至蘭州軍營屢次從征打
仗甚屬奮勇出力等語楊宗業著照土司魯璠韓煜
之例一體加恩賞給三品頂帶併戴用花翎仍加賞

大緞二疋以示獎勵

庚申

上命軍機大臣傳諭阿桂李侍堯曰昨據阿桂奏此次官兵打仗出力而勦洗尚未蕝事朕心實為廛念阿桂摺內亦稱甚屬焦急但此事現止阿桂一人督辦非如征勦兩金川尚有叅贊之人務須持以鎮靜方可悉心籌辦不可過于焦急至李侍堯與阿桂係同辦一事尤須善為勸慰諸事盡心贊助以期妥協不可

以軍旅地方之事稍存岐視再海蘭察舒亮薩炳阿
鄂輝等此次打仗奮勇受有鎗箭傷昨已俱加恩賞
阿桂尤須加意撫慰其帶兵員弁及滿漢官兵出力
受傷者已俱酌量加恩此際自宜稍令休息不可過
於督責即川省屯練等跋涉遠來臨陣時又能奮勇
出力昨已加恩賞給一月錢糧所有此次打仗受傷
者均須一體加以拊循使之感奮用命至此時辦理
關鍵總在各路堵截斷賊口糧不使搶掠供食而防

守嚴密勿令乘間竄逸尤為最要之事現在已屆麥熟之期昨阿桂奏賊人必思就近割取朕意逆匪如果出卡割搶即可乘勢剿殺至民間新麥或竟官為買取刈割使不為賊人所得其應如何酌辦之處著阿桂李侍堯妥酌籌辦務令賊匪坐困乏食即可不戰自斃再聞賊人夜間並無防範若令海蘭察等帶領屯練降番等銜枚前進潛劫賊營可以使其擾亂著即酌量辦理至朕於甘肅百姓每歲發帑養贍恩

施優渥而此等番回平日既無差科又非若金川必欲取之以絕後患者可比何致作逆若此揆之天理人情寔出意計之外或者向來地方官有所擾累若輩乎不然何以致此也昨得奏後終夜反覆思之實為憤懣想阿桂亦同深痛恨惟期妥協速行籌畫早為歲事以慰懸望

臣等謹案甘肅邊氓仰蒙

皇上愛養生全不惜帑金歲加賑惜比之他省尤為優

渥即番回雜處亦荷一視同仁既不設以差料復不禁其習俗飲和食德世沐

國恩乃逆回敢於如此肆行實非情理所有揆厥由來皆因甘省大小官員冒灾殃民侵貪無忌歷年罪孽之重竟致上千

天和積成戾氣以致流毒貽禍重煩師旅掃除伏讀

皇上地方官或有擾累若輩之諭早已明炳於幾先矣已丑阿桂李侍堯奏言賊匪自五月初二日被我

兵痛加殲戮後即於華林山前拏立大卡一座拆卸民居土坯碎石砌築碉房內安孔穴又於卡邊刨挖深溝一道賊匪分布潛藏暗放鳥鎗以為抵禦之計其大卡前又有小卡四座希圖接應聯絡負固死守我兵屢次打仗俱係誘其出壕方能截殺迨賊匪敗逃竄歸卡柵我兵撲進時俱為溝內卡上鎗勢所阻不能得利臣阿桂晝夜思維非攻得賊人大卡不足以制其死命但賊人以逸待勞

居高臨下若力攻仍無把握因與海蘭察額森特
明亮再四籌酌並於十三日令伊等至賊營迤西
一帶相度安營處所又於龍尾山打礮併發兵過
溝誘賊賊總不敢遠離大卡因觀其進退情形知
賊匪見我兵撤回後亦即由卡內將多餘之人陸續
撤回歇涼坐臥臣等公同熟商惟有乘賊人懈怠
之時出其不意突前撲壓或可集事因於十五
日令海蘭察額森特明亮同多爾濟色布坦那木

札彰靄明山阿蘭保阿爾都總兵羅江麟併侍衛
章京帶領馬兵五百名步兵八百名於撤兵之際
潛往華林山東南山溝內分路埋伏派泰斐英阿
福寧哈當阿帶領滿漢兵在龍尾山南埋伏策應
臣阿桂臣李侍堯同伍彌泰莽古賚旺親班巴爾
烏爾圖納遜馬彪仁和三德武靈阿率領滿漢官
兵在龍尾山梁向賊營架礮轟打寅刻齊集華林
山梁惟時海蘭察額森特明亮等即先率兵衝撲

賊卡將卡前山包佔得仍令老教土兵上前誘賊
賊匪藏匿卡柵內放鎗抵禦不敢出迎午刻我兵
徐徐撤回至山梁潛伏其時海蘭察在龍尾山坳
察看賊營動靜其守卡衆賊果又陸續回營止餘
數十賊在卡存駐海蘭察偵探得實即單騎由五
泉山繞道至華林山溝埋伏處所同額森特明亮
等帶領馬兵突出疾馳直撲大卡步兵屯練降番
同時趕到齊至溝邊卡內之賊猝不及防惶遽無

措我兵用鉞鑿覓路過溝一擁進卡將賊匪數十盡行殺死其營中賊匪傾穴出迎拚死衝壓希冀奪回大卡我兵鎗箭齊發殲戮賊匪甚多賊人退至兩處山包後潛藏放鎗抵禦時出力撲我兵既得大卡俯視賊營動靜皆知實已扼吭據要時天已將晚即於新得卡座內砌築防守並於左近拏卡數處聯絡接應海蘭察明亮等即在彼帶兵駐守以備賊人攻撲賊匪果於夜間奮力衝撲數次

俱被我兵鎗箭所中傷死甚多及至天色黎明海
蘭察等逆料賊人終夜抗拒必已疲乏因分兵撲
進又將兩處山包佔得並派兵將賊營迤西本布
爾廟一座向為賊人窟穴一併搶得燒燬殺賊甚
多現在我兵離賊營甚近賊人存立之地甚促不
過中隔溝塹數道賊匪已無險可恃我兵勇氣倍
增賊人竄敗窮蹙情狀畢露不難剋時殲滅而賊
營迤西一帶我馬兵已接連佔至黃河邊臨河及

北岸俱有兵丁水手嚴密防範業已四面圍困無
虞竄逸計兩日打仗除鎗礮打死不計數外殺死
賊人百餘名我兵陣亡官二員阿拉山佐領根丕
爾由京派來前鋒托倫保受傷官五員阿拉山三
等台吉諾依多普千把總四人兵丁內陣亡受傷
者無多俟詳查明確另行造報奏入

上命軍機大臣傳諭阿桂李侍堯曰此次官兵攻得賊
匪大卡及所佔廟宇相距賊營甚近彼已無險可守

且黃河南北岸邊亦俱有官兵接連密布不致有乘間竄逸之慮至逆賊如此猖獗我領兵大員官兵等為所傷折不少必得生擒首逆及其黨惡要犯盡法處治方足以彰國法而儆兇頑第恐賊匪自知無路可逃竟為自焚自戕之計此雖亦足以完事然究不如生擒之為更快想阿桂自必設法妥協辦理至阿桂李侍堯及出力受傷各員已另降諭旨賞給荷包陣亡之阿拉山佐領根丕爾前鋒托倫保等亦令查

明優卹其餘受傷之官員兵丁等並著查明照例卹賞

同日

上命軍機大臣傳諭阿桂李侍堯曰阿桂等此次派兵
攻卡殺賊調度有方阿桂李侍堯著賞給大荷包一
對小荷包二對額森特明亮哈當阿進剿受傷仍帶
兵轉戰殊為奮勇著各賞大荷包一對小荷包二對
海蘭察相地進攻甚屬可嘉另賞給玉韞一枚以示

優獎

同日

上諭內閣曰阿拉山佐領根丕爾剿賊陣亡深為可憫著加恩照京城佐領之例賞給雲騎尉並著伊子承襲仍照例賞銀四百兩其托倫保是否即係由京發往之託羅木保著阿桂查明奏到另行加恩

欽定蘭州紀畧卷九

欽定四庫全書

欽定蘭州紀畧卷十

戊辰

上命軍機大臣傳諭阿桂李侍堯曰本日據刑部解到
從賊逆匪馬復才令軍機大臣嚴訊據馬復才供蘭
州南關馬姓蕭姓回子俱有為賊接濟糧食之事著
阿桂於辦畢正賊時一併查辦又供唐家川為賊紮
棧過渡之回子約有七八十人馬常福為首又有唐

德成唐蘓麻亨唐復有張老師父張國相也幫同紮
棧等語唐家川助賊送回本應剿洗其指出各犯尤
當實力查拿毋使一名漏網又供蘓阿渾說將來做
不成事即要逃往苦蘆灣在洮河西岸約離西古城
二三十里現在賊營尚有該處送回三百來人都會
打仗等語苦蘆灣如果有從賊三百人則此三百家
即係賊黨亦應一併剿捕著傳諭阿桂將苦蘆灣地
方查明於圖內添繪貼說呈覽

己巳阿桂李侍堯奏言查賊營之前尚有溝濠二道溝上俱有賊卡我兵於閏五月十六日已撲至第一層溝邊賊匪在第二層溝塹及營內放鎗抵禦不能撲進即於迤西安設營卡並令馬兵接連佔至黃河邊嚴密防守是夜賊人不敢復出攻撲惟於十七日申刻烈風暴雨時賊匪乘勢出擡衝突被鎗箭殺死十餘人始行退入溝內藏匿拚死支持臣思賊營既在掌握不值用力攻撲傷我官

兵且恐我兵一擁進攻賊匪鋌而走險不能保無
竄逸因與海蘭察明亮公同熟商於本布爾廟迤
西至蓮花池繞出華林寺從陡壩下直接龍尾山
俱安設官兵木城營卡星羅碁布空缺處并刨挖
深壕四面圍困使賊人不能下至黃河取水其華
林山東水磨溝之水派員前赴上游相度地勢可
以旁洩處俱令旁洩其水磨溝業已斷流賊人水
道既斷數日內不戰自亂可以盡數擒剿而官兵

週圍攻打亦斷不致耽延時日奏入

上命軍機大臣傳諭阿桂李侍堯曰閱阿桂所奏現在安設木城營卡剗挖深壕使賊不能下至黃河取水其磨溝之水業已旁洩斷流所奏自是正辦覽之亦為慰藉第惜籌之不早耳至現在續令軍機大臣審訊逆犯馬復才據供八蜡廟內樓房九間上下多是糧草并墳園內有屋六間俱堆糧食等語恐賊人儲蓄尚復不少若我兵竟待其食盡坐斃則曠日持

久亦復不成事體因思賊營樓房本高且樓屋皆係木植構成易於引火何不於夜間令沿河防卡官兵以火箭火彈等物向準拋射將所蓄口食盡行燒燬則於剿捕更速著傳諭阿桂令其妥酌辦理

庚午

上命軍機大臣傳諭阿桂李侍堯曰現在官兵四面圍困賊自不能復得援應但閱圖內東西北三面俱係陡塹而北面又逼臨黃河其勢俱難仰攻官兵自止

能從南面進剿因思該處賊人所挖溝壕二道雖屬
寬深然或令官兵等填壕而進賊人必出而抗拒我
兵即可乘勢用鎗箭剿殺似亦辦理之一法至賊人
所貯樓房之糧草昨已諭令阿桂派兵用火箭火彈
拋射焚燒即使相離尚遠非火彈所能到而火箭自
不難射及阿桂務須設法籌辦使之潰亂無為曠日
持久待其食盡坐斃之計

臣等謹按行兵制勝惟在相機決策方不致曠

日持久蘇四十三等負隅死守溝壕深廣未能
迅就擒捕仰蒙

皇上先幾指示將火彈火箭拋射填壕進攻臣阿桂接
奉

諭旨得所遵循於剿滅賊巢時全用火彈火箭及樹枝
草捆填滿溝壕官兵遂一擁直入痛殲賊人馘
斬首惡仰見

聖慮周詳萬里情形洞若觀火非韜鈴家所能窺及也

辛未

上命軍機大臣傳諭阿桂李侍堯曰前經降旨令阿桂等於籌辦善後事宜案內將陝甘二省應添兵數若干妥議具奏因諭軍機大臣將陝甘二省原額兵若干現存兵若干交部詳查今據查奏陝甘二省兵丁除節年移駐新疆屯防並扣缺不補外現存兵五萬二千四百五十四名較原額少兵三萬一千九百二十名等語自新疆一帶盡入版圖拓地二萬餘里兵

儲經費自應加增今該二省內地兵數既較原額減
少三萬有餘自應量為添設但不必竟照原額添補
朕意酌添兵一萬餘名亦足敷用至兵丁有馬步守
三項之分各省成例大約以馬三步七為率朕意馬
兵一項自較步守為優遇有調遣亦可得力今既酌
為添設不如竟將馬兵酌添六七千名即所需兵餉
較多而為捍衛邊陲起見正不必斤斤小費著傳諭
阿桂李侍堯於籌議善後時確核此二省地方營制

情形將某處應添兵若干及馬步守三項應如何酌量分添之處逐一妥議具奏其陝西一省並著會同畢沅辦理至現在所少兵三萬一千餘名查係歷年移駐新疆屯防及扣存不補之缺但新疆一帶未必駐兵有三萬餘名之多著傳諭阿桂等將新疆一帶實在移駐屯防兵若干此外扣存未補兵額若干及如何扣存不補之處逐一詳悉查明覆奏再陝甘二省從前原係一省是以該部於原額兵冊不能按省

分開載但現存兵數既尚有五萬二千餘名即甘肅所駐較西安為多亦未必大相懸絕何以畢沅前奏陝甘此時兵力合計不過萬餘若陝省兵數寔止如此則甘省存兵計尚有四萬餘名何致逆匪起事時又無兵可調其詳總不能深晰並著傳諭阿桂李侍堯詳確查明覆奏

甲戌阿桂李侍堯奏言官兵數日以來於營卡相間處所刨挖寬深一丈溝壕溝邊安設木柵將賊

營四面圍困其華林寺後及雷壇有井二處俱用
土填築賊匪自知死在旦夕即夜間亦不敢出壕
攻撲惟於溝內潛藏待我兵臨近時暗放一鎗希
冀苟延片刻其營內騾馬牛驢數百因斲絕水草
倒斃殆盡即間有逸出遇水奔飲亦多不能活官
兵自十九日拏卡以後賊人業已斲水二日惟二
十二日寅刻起至巳刻止密雨四時賊人又得稍
資接濟連日有自賊營脫回之老教三名臣等詳

加訊問據供賊營自官兵斷絕水道後俱各惶懼
曾於山上挖井二處掘至十餘丈不能得水二十
二日天雨賊人各將帳房盆罐等器承取足敷一
日飲用二十三日又已斷絕蘓四十三令賊衆不
必聲喊恐官兵知其斷水喉啞賊營大小及受傷
者尚有四五百人設誓共死糧食亦止能支七八
日等語臣思賊匪雖尚勉強支持其困憊情形業
已畢露不值力攻撲傷我官兵若兩三日不雨斷

不能稍延殘喘即可盡數剿擒奏入

上命軍機大臣傳諭阿桂李侍堯曰據阿桂奏賊匪待斃情形自斫不能再稽時日惟望速得捷音擒獲首夥要犯以伸國憲而快人心再甘肅省向來俱以被旱須賑為言幾於年年如此昨和珅一入甘境即遇陰雨今阿桂摺內又稱二十二日得有密雨四時可見該省亦並非竟少雨澤人言俱未足信著傳諭阿桂李侍堯確切訪察向年雨水情形據實覆奏阿桂

本係欽差重臣即李侍堯亦初任甘省總督無所用其廻護想自能秉公直陳也

同日阿桂李侍堯又奏言查賊匪佔據山梁已及三月醜類本有一千數百節次為我兵剿殺尚存
四五百人誠如

聖諭其從前搶掠所得糧食安能供給如許之久臣等
於拿獲賊匪及自賊營脫回之舊教回民等屢經
嚴切訊問其四月中旬以前洪濟橋唐家川等處

從送回民尚有馱運糧食為賊接濟者及該處安
設多兵防守並陸續拏獲黨惡送犯審明正法辦
理後已無接濟之事惟賊營迤西一帶居民雖早
已搬移避匿而其埋藏糧食有因一時惶急未能
盡行攜帶者賊匪於抗拒官兵之暇雖不敢遠出
刼掠而於附近一帶空屋內搜取糧食寔所不免
所以不至乏食賊營迤西雖有洮河為限而該處
山徑叢榛小路甚多屢奉

訓諭防範倍須嚴密臣阿桂日夕籌慮不釋於懷但欲分兵堵禦須從五泉山迤南繞出華林山背後下至蓮花池亂骨堆始可安設營盤非得三千可用之兵寔不足恃而中隔賊營越山遠路有四五十里與迤東各營聲勢絕不能通須從黃河北岸運送食物草料辦理既屬周章且恐數營孤懸山外後臨黃河萬一兵志不同稍有動移更屬不成事體是以與海蘭察額森特明亮再四籌酌伊等亦

屢次前往賊營迤西相度形勢未克遠為安設惟是本月十五日攻得賊人大卡之後即在華林山逼近賊營四面趕設木城木柵營卡始能嚴密圍困至火藥一項賊人攻破河州所得止存二十馱而臣等未到以前官兵打仗多有陣亡遺棄屍身其所帶火藥轉為賊匪搜取添用自臣等到後官兵即間有陣亡本屬無多同隊官兵即將屍身抬回火藥毫無所得臣等又詢之脫回老教人等乃

知賊營火藥漸少寔無附近匪徒暗為運送之事
再賊匪畏懼我兵之架砲轟打俱剗挖土穴潛居
其帳房本屬虛設且官兵現已四面圍困賊匪所
踞不過彈丸無需大砲轟擊至蘭州舊存子母砲
僅與鳥鎗無異施放不能及遠又威遠砲八尊子
重十六兩至二十兩轟擊稍遠而施放時易於跳
動又無準頭俱不甚得力現已照四川劈山砲式
樣製成二十尊擊打賊營甚為便捷得力又聞從

前辦理準噶爾回疆時所造食子六十兩重神砲
現有存貯涼州者並已調到數尊應用亦甚得力
有準涼州尚有熟諳匠役現在調取來省令其照
式試造雖現在圍困賊營已無需應用而省城重
地鑄造砲位數尊亦可永資防衛奏入報

聞

同日軍機大臣奏言臣和珅等奏言臣等遵

旨嚴訊馬復才該犯于前日刑訊受傷不能供吐現在

病勢甚重查該犯係賊匪小頭目且又殺人放火
應行凌遲未便令其自斃倖逃顯戮請

旨將馬復才即行凌遲處死以彰國憲奏入報

聞

已卯阿桂李侍堯奏言臣等將賊營四面圍困斬
絕賊入水道二十五夜間有數十賊從直礮緇下
水唐溝至從前有泉處刨挖盜水官兵知覺鎗箭
齊發殺死賊人數名餘俱受傷竄去溝內血跡甚

多遺棄皮渾屯五個及木碗繩鞋等物次日有脫
回老教數名詳加訊問據供是夜賊匪奔有五十
名帶皮渾屯十五個因官兵鎗勢甚急止盜得十
渾屯水又每渾屯止裝得水一半方能肩負爬山
及竄回賊營即已一搶而盡無餘存等語臣與海
蘭察明亮將該處守卡官兵嚴行申飭所有剴開
泉脉多加土石填築並添派阿拉山鎗手百名赴
該處嚴密防範至二十七夜間賊匪復圖覓路下

溝即為屯練兵殺死一名生擒一名又有脫回之
老教八名臣等一併提訊該犯等俱因受渴已極
不能出聲惟解開胸懷以心貼地即予以水飲亦
不能下咽徐徐灌潤始能言語據供賊匪共有五
百餘人老弱傷病者業已斲水五日已有渴死即
蘓四十三及強壯有力能打仗者亦已斲水三日
雖有炒麵作糧亦不能下咽至騾馬牛驢數百亦
俱倒斃淨盡衆人受渴無奈俱向蘓四十三商量

計策蘓四十三惟稱現在念經祈禱到至急時天
必降雨救濟等語是賊匪困憊情形已可概見臣
與海蘭察明亮公同商酌於二十九日派兵分路
進撲以試其能否抵禦雖二十八日夜間賊人復
至華林寺後身將舊井刨開盜水而據脫出之老
教一名供稱賊匪因井內木石甚多刨挖費力且
恐官兵驚覺止盜得兩小罐水等語諒不能多為
接濟因派滿漢奮勇兵由中路進撲賊營派屯練

降番由華林山東攀礪上撲派老教土兵由華林
山西覓路上攻我兵撲至壕邊賊匪雖不能如前
剽悍尚於溝內卡上放鎗抵禦惟時官兵鎗砲齊發
並添派熟練鎗手向賊營施放賊匪雖傷死頗多
尚拚命支持不肯潰散臣思賊匪滅在旦夕不值
用力攻撲傷我官兵因令撤回各卡防守此次攻
撲賊營傷死賊人約有二十餘名臣查賊匪斲水
已數日尚能死守寔出意料之外現在將舊井及

有泉處所愈加填築堅實並多派屯練及阿拉山
兵在左近埋伏以備乘機剿殺本日寅卯二時又
復密雨現在尚未晴霽然正值土王用事看來不
至連陰賊人雖得稍資接濟亦不能多延時日俟
其困憊已極即進兵擒捕再查賊匪於二十五二
十八兩夜至水磨溝及華林寺後身盜水該二處
營卡係提督仁和及總兵羅江鱗所管不能嚴密
防範殊屬疎玩臣阿桂業已嚴加申飭並將該二

員存記以觀後效如再有疎虞即一併嚴叅治罪
奏入

上命軍機大臣傳諭阿桂李侍堯曰賊人當此窮蹙垂
斃之時尚皆負隅死守寔是奇事出於情理之外今
官兵四面圍攻又將其盜水處所填築土石加兵防
範賊匪自必益加疲困早晚即可全就擒捕至脫回
之老教即係順從新教同惡相濟之人此時或暫留
軍營不即正法以為招致賊夥之計尚可但其從賊

為逆已經數月隨賊打仗傷我官兵寔屬罪無可赦
且伊等果然舊教何不早行竄出直至目下知賊勢
窮迫萬無希倖始復脫回托名老教以圖寬免自斷
不可復留著傳諭阿桂等於剿辦正賊後即將此等
情節明示衆人將臨近脫回之老教概行按律正法
無少姑息至賊人下溝盜水雖旋經知覺但已被創
挖得水用皮渾屯裝取寔屬疎於防範在羅江鱗係
他省總兵到甘効力或可諉之呼應不靈至仁和係

甘省提督所派弁兵皆其管轄何致玩忽若此仁和之不是更大著傳諭阿桂於事畢時即嚴行參奏

辛巳

上命軍機大臣傳諭阿桂李侍堯曰昨王廷贊來至熱河因令軍機大臣會同行在大學士九卿傳旨以私放馬明心子壻及守城獨自居功二條俱從寬不究惟監糧私收折色一事令其據寔陳明據王廷贊供到任後原不許折色因無人報捐只得仍如此辦又

恐各州縣有短價勒買糧石之事是以定數五十五兩甘省糧價較賤足敷定額又因捐生多在省城改歸首府收捐仍將銀兩發給各州縣買補還倉按季申報並有道府加結等語所供殊不足信甘肅收捐監糧原為倉貯賑濟起見自應收本色糧石何得公然定數私收折色且從無一字奏聞若云甘肅糧賤五十五兩已符定額足敷採買則該處收成自必豐稔何以每年又俱需災賑如災賑屬寔糧價必昂則

五十五兩之數又斷不敷採買二者均不可解可見所供盡屬支離其中恐有竟不買補虛開賑濟冒銷情弊且捐監一事自應聽本生自行平買交納糧石何以必欲官為收銀并交首府總辦明係官則折收於前又復冒銷於後兩邊俱得便宜而百姓仍從中受累此事情弊甚大不可不徹底清查此時惟阿桂李侍堯為中外最能辦事之人且於此事又從未經手毫無廻護著傳諭伊二人即將此案實在情形詳

悉查明據寔具奏并嚴查有無弊竇將此等情節四
面較勘無難水落石出不可稍涉顛預致他日復滋
流弊但恐如此徹底一辦合省地方官皆為有罪之
人伊等合成一氣察弊殊非容易然此事終不可不
辦想伊二人斷不肯為他人擔此干係也現在王廷
贊已令回京俟此事明白後再降諭旨至剿賊情形
前傳諭阿桂等或用火箭火彈燒其樓屋糧石或令
官兵填壕而進誘賊殲擊均未據阿桂覆奏并著傳

諭阿桂等將接奉諭旨如何酌辦緣由即行迅速覆奏至阿桂查辦監糧一事未免有需時日即在彼多住幾時徹底查辦亦不必急來熱河復命

癸未阿桂李侍堯奏言賊匪斷水之後雖於兩次夜間縋下水磨溝至華林寺後身盜水然為官兵鎗箭所中驚懼惶急盜取無多若再渴數日亦必困憊潰亂無如本月初一日寅時起已時止密雨四時較二十二日其勢更酣賊人大資接濟初二

初三兩日晴霽初四日又復陰雨幸不甚大臣阿
桂與海蘭察明亮再四籌酌現在大雨時行止可
將斷絕水道為困賊之一法難以坐待必須另籌
攻取之策但賊人所恃惟在溝內卡上放鎗抵禦
我兵自木柵內進撲距溝尚遠未到以前已不免
損傷因先在我兵卡外夜間剗挖溝壕令官兵足
以蔽身然後逐漸剗挖於賊營南又竿立木柵一
層離賊溝邊不過三丈至五丈不等擲石可及自

初一日夜拏起賊匪惶懼時於卡內探身放鎗俱
為自京派來之好鳥鎗手及阿拉山鎗兵擊斃初
二初三兩日共陸續斃賊二十餘名及我兵木柵
拏成賊乘夜又挖深坑潛匿日間並不敢溝邊行
走我兵現擬於木柵內接築砲臺數座俯視溝卡
內賊匪施放鎗箭並加砲臺擊賊卡令其不能存
立一面挑選奮勇官兵預備俟有可乘之機即一
擁而進

同日阿桂李侍堯又奏言查八蜡廟並無樓屋九間惟華林寺後有九間樓一座已於五月十四日為官兵燒燬並無賊人糧草存貯即奉布爾廟向為賊匪窟穴官兵搶得燒燬時亦無儲蓄臣等訊據拏獲賊匪及脫回老教供稱賊人雜糧炒麵等物俱用口袋盛貯藏於地穴賊人畏官兵架砲擊打俱挖坑穴潛匿帳房亦屬虛設蘓四十三亦在地穴居住外搭木板等語是賊營內除華林寺外

寔無房屋為堆貯糧草之處至馬復才所供蘭州
關廂回子暗通逆匪及西南關蕭姓馬姓回子為
賊接應糧草一節臣阿桂等一到蘭州即風聞其
事早已留心察訪並密諭按察使福寧借他事為
名於閏五月十九日將蕭得福看守監禁俟訪有
通賊寔據於辦畢正賊時拏獲馬姓回子一併查
辦其唐家川為賊紮械過渡隨去回子除馬復才
指出各犯外尚有張國清供出之張國桃等十四

人唐王宗供出之唐宗第等二十三人臣一併存
記俟搜捕賊黨時按名查辦至唐家川等處逆黨
陸續拏獲者除前次奏明已正法三十四名外現
又正法二十名審解二名恐尚有餘孽於剿賊完
竣派員前往查辦諭令搜捕淨盡至馬復才供稱
蘓四十三要逃往苦蘆灣現在賊營尚有該處逆
回三百餘人都會打仗等語查苦蘆灣回子於逆
賊初到蘭州時雖供有馱送米麵之事亦無三百

餘人都會打仗之語但馬復才既有是供臣等寧信以為實於攻破賊營後遂一嚴辦至安定一帶被馬明心煽惑者自多伏羗新教從前拏獲之馬而立又供有欵銀資助馬明心之事俱應查辦臣等早已諭令該地方官嚴密查察事平之後即派明幹文武大員帶兵前往查明從逆確寔各犯一併嚴辦不使復留遺孽其苦蘆灣在華林山之西距賊營一百里離西古城六十里緊臨黃河南岸

有四五百家俱係皋蘭縣所屬回民諒無處習學
打仗但該回民等即無幫同打仗之事若接濟糧
食屬實俟擒獲正犯之後亦應一并嚴辦總之臣
等查辦新教無論遠近其實係賊黨訪有確據者
固應剿戮無遺即有稍涉疑似者亦必從嚴辦理
務期淨絕根株斷不肯稍存姑息均奏入

上命軍機大臣傳諭阿桂李侍堯曰據阿桂等奏于賊
營南擊立木柵又接築砲臺一招所辦甚是現在賊匪

日益窮蹙不難計日待斃自不值傷我官兵朕雖日夜焦急盼望成功亦不得耐心等待況官兵四面圍攻布置嚴密自不虞賊衆復有竄逸及外來賊匪接應之事至南關外逆回蕭德福既經訪明拏獲監禁著派委幹妥員弁解至熱河審辦沿途務令小心防範毋致少有疎虞

欽定蘭州紀畧卷十